

普洱府志稿卷之首

詔諭

仁宗睿皇帝

嘉慶四年十二月二十二日欽奉

上諭軍機大臣等富綱奏官兵克復霧龍山等處村寨及酌籌分兵進勦情形一摺覽奏俱悉已於摺內批示猓黑等在霧龍山屯聚經官兵進勦賊匪退入深林將各處草房自行燒燬富綱摺內既稱殲斃賊人無數而割獲首級何以僅止十餘顆奏報不實卽此可見此次猓黑滋事之初若差令明幹員弁前往該處曉以利害令猓黑頭人將滋

普洱府志

卷之首

詔諭

一

事爲首之犯如和尚銅登等縛獻正法原可就事完事卽如姜晟辦理湖南苗匪一事未曾打仗祇係傳集苗弁詳悉開導卽將首犯吳陳受擒縛餘苗俱安靜回寨猓黑之事何難照此辦理乃烏大經率行帶兵往捕而富綱亦紛紛調遣多兵以致猓黑肆行抗拒不能解散且總漕任內得受餽送銀兩獲罪有所風聞故將猓黑一案張大其事希冀將功抵罪亦未可定此時旣已用兵事難中止前已降旨令書麟前往威遠督辦該督到彼後務當酌量情形若猓黑見大兵雲集震懾軍威不敢仍前抗拒書麟卽可趁其畏懼之時勒令將滋事首犯縛獻正法其所占土司

猛猛地方概行退出不敢再犯邊界即可完案原不必深入窮追盡殲醜類也至富綱摺內所稱土司西北未從猓匪之村寨可以派練從征繞出賊營之後以圖恢復及另片奏將來官兵進至猛猛城其後路俱係西北土司地方毫無顧慮等語談何容易行軍後路關繫緊要並閱所進圖內由打雀山至猛猛城道路縣長何能繞出賊營之後且此等土司所屬番民反覆靡常或爲猓黑句結聽其指使豈可深信焉有防備官兵後路全仗土司之理書麟於此一節亦當留心妥辦不可稍存大意

嘉慶七年四月十六日欽奉

普洱府志

卷之首

詔諭

二

上諭軍機大臣等本日據琅玕奏江外夷匪竄入威遠廳屬搶掠滋擾一摺從前猓黑滋事時節經官兵勦撫兼施籌辦完結此次復敢糾合匪衆二三千人在威遠之猛撒江踰淺偷渡肆行焚掠經總兵書成等帶兵追捕逃出江外者有千餘人尙有千餘人潛匿巖洞窺伺應卽上緊勦辦提督烏大經著卽速赴普洱一帶統領弁兵將江內竄擾之賊痛加勦殺俾夷匪等知所懲創其業經逃出江外之賊自不值動勞師旅深入窮追至訊據獲賊供出賊首楊金羅小二兩名想係漢奸從中主使實爲可惡亟須設法搶獲或卽曉諭猓夷等將賊首及早獻出免致株連更可

迅速集事烏大經馳赴該處總須於瘴氣未盛以前趕緊籌辦剋日藏事綏靜邊陲一有捷音該提督卽自行由驛具奏以慰廑注

嘉慶八年六月二十八日欽奉

上諭軍機大臣等永保奏馳抵普洱查辦各事件三摺覽奏俱悉據稱刀永和因係舊宣慰之子不得承襲現又不能干與宣慰事務心懷不平設計誘令刀太昌等過江戕害復焚燒車里宣慰司房屋肆行搶劫等語是曲在刀永和自應嚴拏懲辦今永保等以刀永和現已遠逃江外藏匿若派官兵捕拏轉恐聞風遁竄經酌派道府各員前赴思

普洱府志稿

卷之首

詔諭

三

茅向土目召齋翁等面爲開導鼓勵令其設法購擒所見甚是該撫卽飭令諭知召齋翁如果能設法將刀永和擒獻所有猛籠土弁一缺卽當奏請將召齋翁頂補自必踴躍從事易於弋獲也又據稱孟連土司刀派功素性貪酷因僧人銅金引誘三猛五圈之人向具布施心懷嫉妒卽以銅金爭奪占踞具稟至僧人銅金據稱伊自歸順以後尙屬安靜並無不法劣蹟其占踞孟連地界之處並無實在確據卽伊前曾以俗家本名張輔國呈報官長一節亦尙無不合該撫現飭文武各員前赴威遠查辦如銅金果有爭奪霸占情事卽應嚴拏究辦若果無其事自可不必

查拏但銅金究係僧人總當調至內地安置不得聽其在江外逗遛況天朝管轄猓夷豈有僅令一僧人前往彈壓之理該撫惟當酌量妥辦勿滋邊釁爲要又據奏威遠猓黑在近邊地方滋擾想祇係窮夷希圖搶掠糧食尙非別有他意但究屬何項夷匪人數若干有無爲首之人亦須查明酌辦或應量加安撫或竟應驅逐著該撫等相機妥爲經理以期永靖邊隅

嘉慶八年八月初三日欽奉

上諭軍機大臣等永保等奏設法查拏土弁刀永和並籌辦江外窺伺猓黑及查明銅金非漢奸情形各摺覽奏俱悉普洱府志稿

卷之首

詔諭

四

刀永和畏罪逃至緬甸所屬之孟艮地方不特官兵未便前往卽該土司亦難遠涉若飭令該國王代爲擒拏殊屬不值現在永保酌令思茅同知寄信孟艮頭目召布蘇若能縛獻刀永和自當酌加重賞卽不能擒拏亦斷不肯容留內地滋事之人刀永和無可藏身諒必潛回復經永保勸諭刀永康召齋翁等賞給糧石銀牌等件自必同心緝捕俟刀永和拏獲此案卽可完結再威遠所屬猓黑窺伺查係邦奈之帶脚猓約有千餘人偷渡猛撒江至猛班土司邊界三圈地方搶掠因瘴氣方盛現已退出江外又猛撒江邊六困土司地方亦有猓匪在普洱河對岸窺探該

猥匪等雖不過在邊境掠食但猛撒江與六困既有小路可通恐兩處猥黑糾結合夥自應齊集練勇兩路夾擊驅逐出境其沿江一帶向係擇要防堵嚴緊邊境設法秋深退江水稍落該匪仍思窺伺即可乘勢勦辦使彼畏懼不敢復來庶可永靖邊隅至僧人銅金前據初彭齡奏係屬漢奸茲據永保查明現在滋事之猥黑另係一種黃脚猥爲首係楊金羅小二李伙頭三人銅金並非漢奸其所管乃係大肚猥黑近來甚屬安靜並無勾結爲逆情事楊金羅小二李伙頭三人永保等當設法捕拏務獲銅金旣無滋事不法之處自不便遽行查拏轉令三猛五圈之人心

普洱府志稿

卷之首

詔諭

五

生疑駭其孟連土司界地該土司旣不能自行管束豈有轉向內地要糧要兵代爲勦辦之理該撫等當持以鎮靜相機妥辦以上三事俱係邊地夷人互相構鬪並不敢侵犯內地永保現已辦理稍有頭緒著再妥爲籌畫將集糧派練等事辦定章程即可交提督烏大經協同道府等員接辦該撫應辦地方事務繁多責任綦重琅玕現駐維西省城不可無大員彈壓永保卽當回省辦事不必久留該處也

嘉慶八年九月二十一日欽奉

上諭軍機大臣等永保等另摺奏查辦偷渡威遠思茅猥黑

情形據稱男婦大小約有二千餘人因上年江外無收今歲又甚荒歉是以相約偷渡過江欲於沿邊一帶搶掠活命等語此等偷渡猥夷旣因歲荒乏食希圖活命前赴沿邊搶掠尙係迫於饑寒可不必大加勦辦該撫等當訪查首犯李伙頭楊金二犯指名拏獲辦理其餘人戶止須驅逐回巢並當出示明白曉諭如該猥夷等稍有違抗情形自當懾以兵威將夷匪全數驅出江外卽可於該處相度情形設立卡座駐兵防範一面將兵練徹回完事以靖邊圉

嘉慶十一年五月初四日欽奉

普洱府志稿

卷之首

詔諭

六

上諭軍機大臣等伯麟奏江外野猥復行偷竄威遠廳鎮沅州邊界搶掠督率鎮將摻捕淨盡現在邊境肅清民夷安業一摺江外猥匪於正二月間乘江水淺涸之時膽敢兩次偷竄過江分路搶掠實屬可惡經伯麟飭令官兵追勦截拏擊斃猥匪二十餘人斬截首級三顆落崖跌斃者甚多餘匪俱奔竄逃散自應如此嚴拏懲辦惟是猥匪越江究由邊境素未設備遂得肆行搶掠伯麟現僅飭各土弁於接近江灘之處遇淺涸時派土練巡防辦理尙未周密自應官爲經理擇沿江內地要隘處所酌設卡房墩汛一聞有警速卽通知信息俾兵弁得以及時稽拏該匪自不

以偷竄搶掠爲常邊境庶臻甯謐

嘉慶二十三年十月十五日欽奉

上諭軍機大臣等伯麟等奏緬甸國與普洱府屬邊外土司
構釁經該督等指示地方官反覆開導緬夷業將所遣緬
目撤回本國並順甯府屬邊外耿馬土司自相內鬪並未
侵犯內地邊境亦經妥爲區處等語此次緬甸國與土司
構釁經該督撫妥爲經理旣已遵奉札諭畏懼退回自可
中外相安其耿馬土司自相爭鬪雖未侵犯內地土司係
中國服屬所有案內肇釁滋事之人仍著伯麟等飭屬緝
拏到案審明按律治以應得之罪俾知警畏以靖邊圉

普洱府志

卷之首

詔諭

七

宣宗成皇帝

道光二年八月初七日欽奉

上諭軍機大臣等史致光等奏車里土司被緬國頭目誘往
孟艮現在分別查辦繕具文稿照會緬甸南掌暹羅各該
國王等語所辦尙爲妥協邊外夷人蠻觸相爭係屬常有
之事原可不必過問此次戛于腊夷人造言生釁並將車
里土司刀繩武等誘往孟艮自應令其速行送回所擬照
會緬甸南掌暹羅各該國王令其知悉此事原委速調目
練回國勿使再來土司邊地藉端滋事俱著照所議行其
照會暹羅國王文稿卽著照繕咨行兩廣總督轉發遞交

邊疆重地最關緊要該督等務當督飭土司土舍多帶練勇將各要隘嚴加堵禦並令官兵於煙瘴較輕之處鎮靜防範遙壯聲威以靖邊圉現在明山已補放雲貴總督其未到任以前著史致光韓克均妥爲辦理勿致別滋事端

道光二年十二月初九日欽奉

上諭軍機大臣等明山奏滇省邊腹地方現俱安靜並會同韓克均將刀繩武及景正興二案妥商查辦等語思茅廳屬車里土司刀繩武現仍住於孟乃地方緬甸召木素等相待頗周其不卽送回係欲俟該國王回示該國王素稱恭順一按照會自必將刀繩武送回土境著該督不必再

普洱府志

卷之首

詔諭

八

爲催促轉致緬甸居奇至此案釁起戛于腊夷人與緬甸挾嫌攻擊原與內地無涉惟車里界緬戛之間此次戛夷被緬甸獐子擊敗難保不圖報復該督仍遵前旨飭該處文武督率兵練防堵要隘毋稍疏虞其永昌府屬灣甸土司族目景正興卽景在東攜印潛逃旣據查明逃匿木邦土司所屬之萬馬河地方其心巨測該督卽飭屬懸賞購線將該犯連印信擒拏務獲究辦景正興所遺匪練散匿附近灣甸山谷時出搶掠村寨牲畜不過烏合之衆幫辦景星旣能團聚練勇自可保衛地方該督卽飭該府酌加獎勵並責成景星務將各匪練實力驅捕以靖邊圉

道光五年八月十六日 奉

上諭軍機大臣等長齡等奏緬國王遣送車里土司刀繩武進關籌酌辦理一摺普洱府思茅廳屬車里土司刀繩武於道光二年被緬目誘往孟良經該國王令將刀繩武送回而刀繩武以伊叔刀太康經人離間未敢回歸其子年幼暫令該土司之妻刀刀氏護理土職茲據該督等奏稱該國王派出大頭目護送刀繩武及土弁刀燦星進關實屬恭順該土司訊因奸夷召土鼎挾嫌播弄又以叔姪夙隙心生疑慮尙非有心逗留該土司年力正壯近支又無妥幹堪以承襲之人著仍飭刀繩武回任以觀後效並

普洱府志

卷之首

詔諭

九

著該督等嚴飭該土司嗣後務當慎守厥職率同族目妥爲撫戢夷衆以固藩籬而免咎戾並根查刀太康下落使叔姪敦睦如初免滋釁端其土司印信已據呈驗著仍給該土司鈐用前給刀刀氏護理鈐記卽令繳銷其在逃逸犯召土鼎嚴緝務獲照例懲辦至該省先行籌備邊費銀十萬兩存貯司庫以爲防邊僱練之用所有先後調派思茅甯洱二廳縣巡防兵練借支鹽糧折銀著准其在庫貯邊費項下動支照例題銷

道光六年二月十九日欽奉

上諭軍機大臣等御史楊殿邦奏雲南邊要六條一摺據稱

近日邊缺文武多不勝任如承北同知牛暹官聲狼藉不
治輿情夷人全賴驟馬應飭金沙江知事凡驟馬過渡不
得縱差勒索並宜捐置義學該省所屬邊缺文武宜嚴加
甄別現在景東廳常社二倉虧缺殆盡宜按欵清查勒限
買補不得短價壓派雲南地方夫馬多不發價派鄉約在
衙門各站口供應景東永北蒙化迤西尤甚沿邊夷地多
有江廣川黔客民在彼盤踞大開燒鍋重利盤剝營況兵
馬多有缺額威遠元江景蒙尤甚將弁分肥或作提鎮巡
閱及三節兩生饋送之費總督兵房又有年規季規各種
夷民均係土著其得力較勝兵練以保甲之法團集訓練

普洱府志

卷之首

詔諭

十

有事則練借兵威兵借練力足收以夷備夷之效等語所
奏不爲無見雲南邊釁多由漢奸盤剝匪徒煽惑及文武
撫綏失宜夫馬差徭雜派聽憑土司自把及兵差滋擾所
致迨兵練勦辦又復怯懦無能該省大吏奏捷冒濫保
市恩如實有前項情弊自應立即湔除趙慎畛伊里布甫
經到任無所用其回護著按照該御史所奏六條認真稽
查實力整飭務令文武悉屬才能倉儲俱歸實貯夫馬嚴
禁苛派漢奸禁止盤踞土馬勤加訓練邊夷倣行保甲以
安民生

靖邊門

道光十三年六月初八日欽奉

上諭軍機大臣等本日據伊里布奏思茅土司舍目挾私互
鬩撥兵防範並派員查辦一摺此案思茅廳所屬車里土
司刀繩武藉獐子生事集練往巡聽信浮言卽以所集之
練向土舍刀太康尋釁攻鬪互鬩致六困等處夷民逃散
鎮道酌撥官兵前往思茅督率彈壓刀繩武欲請官兵爲
助經阮元等調回刀繩武解息弭釁刀繩武總以疑忌刀
太康仍復逗留麻栗坪等處於三月內又率練向刀太康
攻打被刀太康之練抵逐潰敗現於要隘遙爲防範等情
前據阮元在京時曾經奏及此事並稱迤南道胡啟榮向
爲該土司所信服計此時阮元將次回任胡啟榮亦可將

普洱府志稿

卷之首

詔諭

七

次到滇沿邊土司舍目擾攘互鬩本所時有此等蠻觸相
爭原不可問斷無用天朝兵力偏助之理至地接緬甸尤
不可輕開邊釁轉致別滋事端惟該土司舍目同室操戈
結釁不休難保無漢奸刁夷從中扛幫及好事衿民附和
之事必須密查嚴辦以淨根株現據伊里布將護道福敬
撤回本任派熟悉邊情之署開化鎮副將楊齡會同普洱
鎮邱奉岐及護道林樹恒前往查辦胡啟榮如已到滇亦
著迅速前往阮元伊里布當督飭鎮道確查起釁根由及
互鬩情形清理解息鎮靜妥辦不許張皇用兵務期杜絕
釁端以靖邊圉

道光十三年八月初一日欽奉

上諭軍機大臣等本日據伊里布奏越南國內訌現飭巡防邊界一摺前據伊里布奏思茅土司舍目挾私互訌當降旨諭令阮元等督飭鎮道鎮靜防範不許張皇用兵致開邊釁茲復探有越南國內訌之事據稱越南所管之水尾土州於四月間夷匪蜂起土州帶練攻逐探係越南黎維祁之族人黎維換先受封職被殺黎維良黎維然等與北勝土司郭必功郭必在等要結土民由清華地方起事直趨興化富春因之各處土夷煽惑該國調集陵兵禦捕開化沿邊與越南水尾及都竜等處接壤臨安府亦與越南

普洱府志稿

卷之首

詔諭

三

相接現在分飭文武酌撥弁兵日練協同汎卡巡查要隘督率邊民互爲防範廣南府亦通越南並令一體巡防等語外藩自相擾亂曲直是非天朝原應不問惟土夷煽動在該國水尾地方密邇邊界恐致乘隙竄入且黎維良等夥黨亦恐事敗潰散逃入邊疆開化臨安邊地廣袤均與該國犬牙相錯廣南亦路徑相通亦應嚴密巡防勿令竄越阮元此時諒已行抵滇省著卽會同伊里布嚴飭沿邊地方文武員弁督率兵練稽查要隘小心防範嚴防漢奸乘間煽惑如有夷匪及越南兵練追逐至境立卽驅逐攔截不准一名竄入亦不准妄殺一人倘該地方員弁邀功

妄殺以致別滋事端定當從重治罪如有叩關請兵情事卽應正詞拒絕天朝撫御萬邦一視同仁斷無相助之理該督等務當嚴加曉諭該管鎮將道府等鎮靜防範固不可稍有疏懈亦不許稍涉張皇如辦理不善致開邊釁惟該督撫是問懍之慎之

道光十四年五月十九日欽奉

上諭內閣阮元等奏查辦思茅土職滋事始末情形撤回兵練並已革土職遠逃未獲另擇承襲一摺雲南思茅廳所屬已革車里土司刀繩武因輕聽奸徒播弄屢次集練向其叔土舍刀太康鬪諭令解息藐抗不遵甚至脅兵求

普洱府志稿

卷之首

詔諭

三

助縱夷激釁謬妄不職前據該督等奏明業降旨將刀繩武士職褫革嗣因其不知悔罪仍復勾結猓夷始終抗玩經內地派兵弁攻捕卡破練散帶印潛逃是刀繩武先之同室操戈猶爲可恕後之糾結外夷脅官拔扈騷動內地實屬罪無可追現據該督等飭令該鎮道委員分飭兵練追蹤緝拏諒已革土司遠逃邊外不能再滋事端自不值令兵練深入窮追祇須責令沿邊隘口留心偵查去路密爲購夷並諭外域近邊土目如逃入卽行拏送內地治罪其附和刀繩武之漢奸夷奸幫唆肇釁情殊可惡雖據截獲王瀛等數犯解省審辦此外恐尙有倖逃法網匿跡潛

蹤必須密速訪拏從嚴究辦仍一面出示明白曉諭不准此等奸徒妄肆雌簧搖惑生事所有前調兵練著卽撤回其所遺車里土司世職現在刀繩武既經負罪帶印竄逃家屬法應另徙其子照例不准再襲茲據該督等取具宗圖冊結另擇合例之人奏請承襲照著所請准其以土舍刀太康之長子刀正宗繼與刀太和爲嗣承襲車里土司世職以專責成所有應行另頒銅印著該部照例辦理至車里極邊荒遠接壤外夷土司新襲該督等務飭令該鎮道督飭該應襲土司暨土舍刀太康各猛土弁等慎守土職內安外合遇有應辦事宜飭遵辦理永靖邊圉不得稍

普洱府志稿

卷之首

詔諭

古

有貽誤另起釁端致干罪戾

道光十八年五月十七日欽奉

上諭軍機大臣等本日據伊里布等奏緬甸內訌情形一摺緬甸國王孟旣襲國已久現因病廢欲讓與其弟子孟薩鴉佈低襲國近復有親屬目官閔關之事前曾遣日至九龍江欲令車里土司帶練赴緬鎮撫經迤南道會鎮曉諭該目內地土司從不越赴外域辦理尙爲妥協該國襲替內地向不置問惟現在是否已定讓襲有無另滋事端著該督撫嚴飭騰越文武各員督飭土司撫夷查探明確並於沿邊關隘率練巡防毋許出邊滋事儻有日夷竄至立卽

諭遣毋得任聽一人入邊其普洱一帶亦著分飭文武各員督率土司日練一體巡查無稍疏懈以重防守而靖邊圉

道光三十年七月初五日欽奉

上諭內閣程喬采張日昫奏思茅邊外游匪滋擾車里土境沿及近甲猛地調集兵練堵剿一摺據稱沿邊土境蠻觸相爭事所時有向係責令猛弁集練擒捕鄰封土弁策應令該匪等滋擾土境竟至沿及進甲猛地逼近茶山經官兵防堵膽敢恃眾拒抗戕斃員弁實屬曷不畏法現據該督等派委鎮道等調集兵弁馳往兜捕並飭各猛土弁合

普洱府志稿

卷之首

詔諭

五

力堵截務期悉數殲除淨絕根株迅速藏事毋任遷延現獲匪犯尤須嚴切根究務得確情盡法懲治

道光三十年八月初六日欽奉

上諭軍機大臣等程喬采奏拏獲匪徒詳加研鞫等語雲南思茅邊外獠匪與游匪滋擾疊經拏獲要犯據供係被匪黨糾約與猛弁爲仇不期猝遇巡防官兵互相抵禦以致官兵被戕現在各匪畏罪紛紛逃散人心安定著該督遵照前旨體察情形妥爲籌辦嚴說已獲各犯務令供出戕官爲首之人拏獲懲治並飭該鎮道等檄行各猛土弁趕緊拏擒於勦捕之中仍寓安撫之意總期寬猛得宜迅速

歲事以靖邊隅

穆宗毅皇帝

同治三年六月初八日欽奉

上諭議政王軍機大臣等勞崇光張亮基奏克復古州廳城請留周洪印協辦並勞崇光奏克復中甸等廳城疊獲勝仗各摺片雲南逆回杜汶秀分踞中甸等處經馬如龍等進勦將中甸維西思茅威遠各城次第收復並攻克石膏井磨黑等處賊巢勦辦尙爲得手思茅威遠旣克則普洱已成孤立中甸維西旣克則大理之賊益蹙著勞崇光飭馬如龍岑毓英及田仲興等各率所部將普洱大理等城

普洱府志稿

卷之首

詔諭

六

迅圖克復擒斬首逆以期肅清疆圉古州收復情形與前憚世臨所奏畧同該逆由古州苗崗繞出獨山州之霸街入蒙進踞已賴旁寨中寨和寨及荔波縣之三崗地方經楊廷桂等軍迎勦辦疊勝賊欲向獨山州屬中安一路直上鷄場該處爲上竄貴州定廣下竄廣西南丹必由之路亟應嚴密堵禦以杜賊縱紛竄全祖凱一軍已抵獨山著勞崇光張亮基飭令該總兵扼要駐紮會同湘粵兩省官軍實力掃蕩以遏該匪紛竄定廣南丹之路並著憚世臨張凱嵩檄派出之周洪印楊廷桂各軍聯絡聲援合力夾攻迅殲醜類周洪印因軍糧無從採辦藥鉛亦甚缺乏按

營撤回楚邊惟現在正當攻勦喫緊之際李逆尙在漏網
貴州僅以全祖凱一軍甚單楊廷桂孤軍深入一難兼顧
若非添撥勁旅卽無以收聚殲之效著惲世臨飭令周洪
印等仍統湘軍星速馳赴荔波獨山一帶協同勦洗毋誤
戎機

